

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10 i 3/23), a u vezi sa članom 31. Zakona o državnoj službi u Federaciji Bosne i Hercegovine (“Službene novine Federacije BiH”, broj: 29/03, 23/04, 39/04, 54/04, 67/05, 8/06 i 4/12) i člana 1. Zakona o preuzimanju Zakona o državnoj službi u Federaciji Bosne i Hercegovine (“Službene novine Zeničko-dobojskog kantona“, broj: 3/12), članom 20. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18, 10/2019, 11/2019 - ispr., 8/2022, 4/2024 i 10/2024), članom 22. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine (“Službene novine FBiH”, broj: 13/19), članom 6. stav 2. Uredbe o osnivanju Ureda za borbu protiv korupcije Zeničko-dobojskog kantona („Službene novine Zeničko-dobojskog kantona“, broj: 5/2022 i 19/2024), Rješenjem Vlade o postavljenju sekretara Ureda za borbu protiv korupcije Zeničko-dobojskog kantona, broj: 02-30-2745/25 od 14.02.2025. godine i Obavještenjem Agencije za državnu službu Federacije Bosne i Hercegovine, broj: 09-30-8-94-41/24 od 24.03.2025. godine, na prijedlog premijera Kantona, Vlada Zeničko-dobojskog kantona, na 74. sjednici, održanoj dana 28.03.2025. godine, d o n o s i

R J E Š E N J E

o preuzimanju dužnosti

I.

Dževad Fejzić, diplomirani politolog, postavljen na radno mjesto „sekretar Ureda za borbu protiv korupcije Zeničko-dobojskog kantona“ u Uredu za borbu protiv korupcije Zeničko-dobojskog kantona, Rješenjem o postavljenju sekretara Ureda za borbu protiv korupcije Zeničko-dobojskog kantona, broj: 02-30-2745/25 od 14.02.2025. godine, preuzima dužnost radnog mjesta dana 05.05.2025. godine, polaganjem zakletve vjernosti.

II.

Imenovanom se utvrđuje osnovna plaća izražena u drugom (II) platnom razredu sa utvrđenim koeficijentom 6,20 pomnožena sa osnovicom za plaću uz povećanje za 0,6% za svaku započetu godinu penzijskog staža, a najviše do 20%.

III.

Ostala prava i obaveze imenovanog iz radnog odnosa regulisat će se posebnim rješenjem.

O b r a z l o ž e n j e

Na osnovu člana 24., a u vezi sa članom 74a. Zakona o državnoj službi u Federaciji Bosne i Hercegovine (“Službene novine Federacije Bosne i Hercegovine”, broj: 29/03, 23/04, 39/04, 54/04, 67/05, 8/06 i 4/12) i člana 1. Zakona o preuzimanju Zakona o državnoj službi u Federaciji Bosne i Hercegovine (“Službene novine Zeničko-dobojskog kantona“, broj: 3/12), Pravilnika o unutrašnjoj organizaciji i sistematizaciji radnih mjesta Ureda za borbu protiv korpcije Zeničko-dobojskog kantona i Odluke Komisije za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima/ustanovama u kojima se plaće i druge naknade zaposlenih u cjelosti ili djelimično finansiraju iz Budžeta Zeničko-dobojskog kantona, Agencija za državnu službu Federacije Bosne i Hercegovine raspisala je javni konkurs za popunu radnog mjesta

rukovodećeg državnog službenika “sekretar Ureda za borbu protiv korupcije Zeničko-dobojskog kantona” u Uredu za borbu protiv korupcije Zeničko-dobojskog kantona.

Nakon okončane konkursne procedure za popunu upražnjenog radnog mjesta rukovodećeg državnog službenika u Uredu za borbu protiv korupcije Zeničko-dobojskog kantona, na osnovu dostavljene Liste uspješnih kandidata od strane Agencije za državnu službu Federacije Bosne i Hercegovine, premijer Zeničko-dobojskog kantona je Zahtjevom 02-30-17592-9/24 od 05.02.2025. godine zatražio mišljenje o postavljenju i to Fejzić Dževada, diplomiranog politologa na radno mjesto “Sekretar Ureda za borbu protiv korupcije Zeničko-dobojskog kantona” – 1 (jedan) izvršilac, kao prvorangiranog kandidata nakon provedenog javnog konkursa za navedeno radno mjesto, prema kojim okolnostima je kandidat Dževad Fejzić, u okviru javnog konkursa osvojio 96,43% bodova na stručnom ispitu, te su stekli uslovi da Vlada Zeničko-dobojskog kantona, kao organ nadležan za imenovanje, shodno članu 18. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine FBiH“, broj: 13/19), izvrši postavljenje Dževada Fejzića na radno mjesto navedeno u dispozitivu ovog rješenja.

Na osnovu navedenog, na 67. sjednici Vlade Zeničko-dobojskog kantona, održanoj dana 14.02.2025. godine, Vlada Zeničko-dobojskog kantona je donijela Rješenje o postavljenju Dževada Fejzića na radno mjesto „sekretar Ureda za borbu protiv korupcije Zeničko-dobojskog kantona” u Uredu za borbu protiv korupcije Zeničko-dobojskog kantona, broj: 02-30-2745/25 od 14.02.2025. godine, kojim je u tački II. utvrđeno da “imenovani preuzima dužnost polaganjem i potpisivanjem zakletve vjernosti po obavijesti Agencije za državnu službu Federacije Bosne i Hercegovine da je konkursna procedura okončana i da može početi sa radom, odnosno po konačnosti ovog rješenja kada će se posebnim rješenjem regulisati sva prava i obaveze imenovanog iz radnog odnosa”.

Postavljenje se vrši 05.05.2025. godine u skladu sa radnim zadacima i obavezama imenovanog koji obavlja poslove Sekretara Ureda za borbu protiv korupcije Zeničko-dobojskog kantona po ovlaštenju Vlade, a ujedno je stalno zaposlen na poziciji šef Ureda premijera, te zbog preuzetih i neodložnih obaveza na funkciji šefa Ureda kao i procesa koji su započeti, smatra se opravdanim da nakon okončanih procesa preuzme dužnost kako je određeno u tački I. ovog Rješenja.

Članom 31. Zakona o državnoj službi u Federaciji Bosne i Hercegovine i članom 22. stav 4. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine, propisano je da postavljeni državni službenik preuzima dužnost polaganjem zakletva vjernosti pred rukovodiocem organa državne službe.

Aktom, broj: 09-30-8-94-41/24 od 24.03.2025. godine, Agencija za državnu službu Federacije Bosne i Hercegovine obavijestila je premijera Zeničko-dobojskog kantona, da je Javni konkurs objavljen u „Službenim novinama FBiH“, broj: 91/24 od 15.11.2024. godine, za radno mjesto sekretar Ureda za borbu protiv korupcije Zeničko-dobojskog kantona okončan i da je organ nadležan za postavljenje dužan pozvati postavljenog kandidata Dževada Fejzića da preuzme dužnost.

Odredbom člana 20. Zakona o plaćama i naknadama u organima vlasti Zeničko-dobojskog kantona utvrđen je drugi (II) platni razred sa koeficijentom 6,20 za obračun plaće za radno mjesto sekretar Vlade Kantona.

Na osnovu navednog, riješeno je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Odboru državne službe za žalbe Federacije Bosne i Hercegovine, u roku od 15 dana od dana prijema rješenja.

Broj: 02-_____/25
Datum, 28.03.2025. godine
Zenica

PREMIJER

Nezir Pivić

DOSTAVLJENO:

1x Imenovanom,
1x Agencija za državnu službu FBiH,
1x Ured za borbu protiv korupcije Zeničko-dobojskog kantona,
1x Ministarstvo finansija,
1x Personalni dosije imenovanog,
1x Oglasna tabla,
1x a/a.